

法苑珠林卷第三十二

隸二

大唐上都西明寺沙門釋道世撰

變化篇第二十五

此有三部

眼夢篇第二十六

述意部 第一

夫聖人之用玄通無礙致感多方不可作一

乙

游談刊

途求不可以一理推故鹿以鹿應細以細應
鹿細隨機理固然矣所以放大光明現諸神
變者此應十方諸大菩薩將紹尊位者耳若
處俗接鹿按邪歸正者復須隨緣通變量稱
物情不可以妙理通悟指事而變現不思議
之形質用遮不思議之頑見也譬聖人亦入

鹿馬而度脫之當在鹿馬豈同於鹿馬哉若
不異於鹿馬應時常流不待此神變明矣

通變部 第二

如華嚴經云佛子如一如來一化身轉如是
等不可說譬喻法輪雲一切法界虛空界等
世界悉以毛端周遍度量一一毛端處於念

念中化不可說不可說佛刹微塵等身乃至
盡未來際劫一一化佛身有不可說不可說
佛刹微塵等頭一一頭有不可說不可說不可說
佛刹微塵等舌一一舌出不可說不可說佛刹
微塵等音聲一一音聲說不可說不可說佛
刹微塵等修多羅一一修多羅說不可說不
可說佛刹微塵等法一一法中說不可說不
可說佛刹微塵等句身味身復不可說不可
說佛刹微塵等劫說異句身味身音聲充滿
法界一切衆生無不聞者盡未來際常轉法
輪如來音聲無異無斷不可窮盡是爲一切
諸佛大力那羅延幢佛所住法又華嚴經云

一切諸佛悉有八種微妙音聲一一音聲悉
有五百妙音聲眷屬不可稱數百千音聲以
爲莊嚴無量無邊妙音聲伎樂皆悉清淨普
能演說一切諸佛正法義味悉離恐怖安住
無畏大師子吼悉令一切法界一切衆生聞
其音聲隨其本行種種善根皆令開解是爲

一切諸佛最勝無上口業莊嚴又處處經云
余時佛笑口中有五色光出者有五因緣一
欲令人有所問因所問有益故二恐人言佛
不知笑故三爲現口中光故四笑諸不至誠
故五笑阿羅漢守空不得菩薩道光還從頂
上入者當示後人大明故

卷之二

又佛說心明經云余時世尊爲梵志乃笑五
色光從口出照十方五趣之類夫欲至人心
喜令餓鬼飽地獄痛息畜生意開罪除尋光
來詣佛所諸佛笑法皆有常瑞若授菩薩決
遍照十方光從頂入授緣覺浄光入面門授
聲聞浄光入肩井說生天事光從齊入說降
人中光從膝入說趣三苦光從足心入諸佛
之欣不以欲笑不以瞋笑不以癡笑不放逸
笑不利欲笑不榮貴笑不富饒笑今佛普等
愍傷群生行大慈笑無斯七也又智度論云
如佛初轉法輪時應持菩薩從他方來欲量
佛身上過虛空無量佛刹至華上世界見佛

身如故而說偈言

虛空無有邊 佛功德亦尔 設欲量佛身
唐勞不能盡 上過虛空界 無量諸佛土
見釋師子身 如故而不異 佛身如金山
演出大光明 相好自莊嚴 猶如春華敷
又處處經云佛在世時諸天鬼神龍人民皆

到佛所聽經數百千重前後皆見佛面所以
者何佛前世時言語無前後故是故無不見
佛面者人臥皆隨佛所首向佛尊故

獸欲部第三

如大莊嚴法門經云余時王舍城中有婬女
女名金色光明威德彼女宿世善根因緣形
貌端正衆相具足身真金色光明照曜容儀
卷之三媚麗世所希有神慧聰敏辯才無礙音辭清
妙深邃柔軟言常含笑隨所行處皆金光照
所著衣服亦皆金色一切人衆見者繫心愛
著無捨隨所遊處皆悉隨從有長者子名上
威德爲欲樂故多與財寶共相要契車乘莊

嚴往詣園林余時金色女宿緣冥感爲文殊師利化令人道神變自在故以頭枕彼威德膝上而睡即以神力於其臥處現爲死相膿張臭爛難可附近須臾腹破肝腸剖裂五臟露現臭穢可惡大小便道流溢不淨諸根支節蠅疽唼食不可稱說時長者子見此死屍生大恐怖身毛皆豎而作是念我今無救遍觀四方無歸依處倍增怖畏發大怖聲彼長者子二因緣故生大怖畏一昔所未見如是惡事是故生怖二大衆知我與彼同來在此而今忽死謂我故殺阿闍世王不鑒此理橫見加戮是故生怖時長者子獨於此林不見

一人一切凡聖誰能救者彼長者子過去善根雖熟以不聞見文殊共金色女所說法故文殊師利即以神力令諸樹林悉說偈言長者聞已心大歡喜深自慶幸捨棄死屍從林而出即往佛所具說怖緣余時佛告長者子汝莫憂怖我當施汝一切無畏汝歸佛者一

切無怖長者白佛一切怖畏從何而生佛言從貪瞋癡因緣故畏當知一切諸怖無主無作無有執者汝先欲覺今何所在長者子言此中所見好色惡覺凡夫貪著於聖法中無如是事於是佛爲種種方便說法時長者子得順法忍時金色女知長者子受教化已莊嚴五百馬車前後圍遠來詣佛所却住一面余時文殊問長者子言汝識此妹不長者子言我今實識文殊師利言汝云何識時長者子即向文殊而說偈言

見色如水沫 諸受悉如泡 觀想同陽焰
如是我識彼 見行如芭蕉 知識猶如幻

集
朱林主

女名假施設 如是我識彼 身無覺如木亦如草瓦礫 心則不可見 如是我識彼諸凡夫如醉 顛倒生惡覺 智者所不染如是我識彼 如彼林中屍 臭爛惡不淨身體性如是 如是我識彼 過去本不滅如是我識彼 現在不暫住 如是我識彼

文殊當善聽　彼恩難可報　我本多貪欲
見不淨解脫　被身寶不死　爲化我現死
愍衆故示現　誰見不發心　如是貪瞋癡
及一切煩惱　如是體法性　善哉甚微妙
余時佛告阿難此金色女上威德男已於過
去教化今發菩提今更聞法得順法忍此金
色女於當來世過九百千劫當得作佛號
曰寶光如來威德長者於寶光佛所得菩薩
身名曰德光寶光滅後當得作佛號曰寶炎
如來又觀佛三昧經云佛告阿難我昔夏安
居時波羅柰國有一姪女在高樓上有女名
妙意昔日於佛有緣余時世尊化三童子年
皆十五面貌端正勝諸世間一切人類此女
見已身心歡喜白言丈夫我今此舍如功德
天富力自在衆寶莊嚴我今以身及與奴婢
奉上丈夫可備灑掃若能頤納隨我所願一
切供給無所愛惜作是語已化人就牀未及
食頃女前親近白言丈夫願遂我意化人不

違隨己所欲既附近已一日一夜心不疲厭
至二日時愛心漸息至三日時白言丈夫可
起飲食化人即起纏綿不已女生厭悔白言
丈夫異人乃余化人告言我先世法凡與女
通經十二日余乃休息女聞此語如人食噎
既不得吐又不得咽身體苦痛如被杵擣至
朱林三五

四日時如拔車轢至五日時如鐵九入體至
六日時支節悉痛如箭入心女作念言我聞
人說迦毗羅城淨飯王子身紫金色三十二
相愍諸盲冥救濟苦人恒在此城常行福度
放金色光濟一切人今日何故不來救我我
從今日乃至壽終終不貪色寧與虎狼同處
一尤不貪色欲受此苦惱化人亦瞋咄弊惡
婦女廢我事業我今共汝合體一處不如早
死父母宗親若來覓我處自藏我寧經死不
堪耻辱女言弊物我不用爾欲死隨意是時
化人取刀刺頸血流滂沱塗汙女身萎墮在
地女不能勝二日青淤三日脹脹四日爛潰

五日漸爛六日肉落七日唯有臭骨如膠如漆粘著女身一切大小便利及諸惡虫逆血諸膿塗漫女身女極惡狀而不得離女發誓願若諸天神及與仙人淨飯王子能免我苦我持此舍一切珍寶以用給施作是念時佛將阿難難陀帝釋在前梵王在後佛放常光照曜天地一切大眾皆見如來詣此女樓時女見佛心懷慚愧藏骸無處取諸白疊纏裹是屍臭氣如故不可覆藏女見世尊爲佛作禮以慚愧故身映骨上臭骨忽然在女背上女極慚愧流淚而言如來功德慈悲無量若能令我離此苦者願爲弟子心終不退佛神力故臭骨不現女大歡喜爲佛作禮白佛言世尊我今所珍一切施佛佛爲呢願梵音流暢女聞呢願心大歡喜應時即得須陀洹道五百侍女聞佛音聲皆發無上菩提道心無量梵衆見佛神變得無生忍帝釋所將諸天有發菩提心者有得阿那含者又百緣經

錄

朱林三十二

六

云佛在世時舍衛城中有一長者婦產一男兒形貌極醜狀似惡鬼有人見者捨之而去年漸長大父母厭惡驅令遠棄乃至畜生見此醜陋尚懷怖懼何況人類又於一時詣林採果以自存活飛鳥走獸無不怖走絕迹無住世尊慈念將諸比丘到林欲度見佛避走佛以神力使不得去時諸比丘各在樹下跏趺繫念世尊化作醜陋人執持應器盛滿中食漸向醜人形狀類己心懷喜悅今此人者直是我伴尋來共語同器而食食已時彼化人忽然端正醜陋問言汝今何以忽然端正化人答言我食此食以善心觀彼樹下坐禪比丘使我端正醜陋聞已尋復敷之尋得端正心懷喜悅即向化人深生信解於是化人還服本形醜陋見佛三十二相八十種好光明普曜如百千日前禮佛足都坐一函佛即爲俱種種說法得須陀洹果即於佛前求索出家佛告善來比丘鬚髮自落法服著身便

成沙門精勤修習得阿羅漢果時諸比丘見是事已請佛為說宿本因緣佛告比丘乃往過去無量世中有佛出世號曰弗沙在一樹下結跏趺坐我及彌勒俱為菩薩到彼佛所種種供養而翹一足於七日中說偈讚佛

天上世間無如佛

十方世界亦無有

世界所有悉能見

無有能及如佛者

尔時菩薩說此偈已時彼山中有一鬼神作醜陋形來恐怖我以神力令彼行處懸崖嶮岨不能得過時彼山神即作是念我以惡心恐怖他故令我今者行處嶮難不可得過今當往彼懺悔先罪作是念已尋即往詣懺悔訖已發願而去佛告比丘欲知彼山神恐怖我故五百世中形體醜陋見者驚走由彼懺悔故今遭值我出家得道比丘聞已歡喜奉行

頌曰

大聖神變隨事啓蒙含英秀發開悟相應服以衆道化現神通隱顯利物乃覲高蹤

群生息謗感悟興隆潛運自在見者生恭敬逢斯聖絕代靈龍含生有福遇此休徵感應緣略引二十五驗

通叙神化多種之變

周時有左慈能變

舌垂山有帝女能變

夏鰥及趙王如意變

魏襄王年中有女變

漢建平中有男子變

漢建安中有男子變

晉元康中有女變

晉惠懷時有男女變

漢景帝時有人變

漢宣帝時有鷄變

晉太康年中有彭岐及蠻變

孔子於陳絃歌館中有鯤魚變

梁朝居士韋英妻梁氏嫁變

晉豫章郡吏易拔變晉宜陽縣有女性彭名娥變

晉太末縣吳道宗母變

晉復陽縣有牛變

炎帝之女變

諸傳雜記之變

秦時有江南宮亭廟神變

秦時南方有落民飛頭變

高陽氏同產夫婦變

魏時尋陽縣北山蠻人作術變

魏時清河宋士母因浴變

夫慈濟之道震古式瞻通化之方由來難測
此是方外之大聖非是域中之凡能窮之不可原究之不可盡然凡聖雖別變化有同良由智有淺深障有鹿細機有大小化有寬狹蓋達生死之本可以言變化矣若依佛教明

八

卷五

信因果因緣相假方成變化矣據外俗未達大方唯信緣起不賴因成故千寶記云天有五氣万物化成木精則仁火精則禮金精則義水精則智土精則恩五氣盡純聖德備也木濁則弱火濁則淫金濁則暴水濁則貪土濁則頑五氣盡濁民之下也中土多聖人和氣所交也絕域多恠物異氣所產也苟稟此氣必有此形苟有此形必生此性故食穀者智慧而文食草者多力而愚食桑者有終而蛾食肉者勇慄而悍食土者無心而不息食氣者神明而長壽不食者不死而神大腰無雄細腰無雌無雄外接無雌外育三化之蟲

先孕後交兼愛之獸自爲壯壯寄生因夫高木女羅託乎茯苓木株於土萍植於水鳥排虛而飛獸蹠實而走虫土閑而蟄魚淵潛而處本乎天者親上本乎地者親下本乎時者親旁則各從其類也千歲之雉入海爲蜃百年之雀入江爲蛤千歲龜龜能與人語千歲之狐起爲美女千歲之地斷而復續百年之鼠而能相卜數之至也春分之日鷙變爲鷙秋分之日鳩變爲鷙時之化也故腐草之爲螢也朽葦之爲螢也稻之爲蟹也麥之爲蛻也羽翼生焉眼目成焉心智存焉此自無知而化爲有知而氣易也鶴之爲鸞也蛇之爲鱉也蚕之爲蝦也不失其血氣而形性變也若此之類不可勝論應變而動是謂順常苟錯其方則爲妖眚故下體生於上氣之反者也人生獸獸生人氣之亂者也男化爲女文化爲男氣之質者也魯牛哀得疾七日化而爲虎形體變易爪牙施張其兄將入搏而

卷五

朱三十一

九

食之當其爲人不知將爲虎當其爲虎不知當爲人故晉太康中陳留阮士禽傷於虺不忍其痛數嗅其瘡已而雙虺成於鼻中元康中曆陽紀元載客食道龜已而成瘕醫以藥攻之下龜子數升大如小錢頭足殼備文甲皆具唯中藥已死夫妻非化育之氣臯非胎孕之所享道非物之具從此觀之万物之生死也與其變化也非通神之思雖求諸已惡識所自來然朽草之爲螢由乎腐也麥之爲蛻蛻由乎濕也余則万物之變皆有由也農夫止麥之化者渥之以夜聖人理万物之化者濟之以道其與不然乎今所覺事者固未足以究其變化之極也此乃由衆生卒識雜業薰成因種既熟緣假外形情與非情隨緣興變若先無種縱遇其緣緣蹤力弱亦未能獨變故因假緣故種不獨成緣假因故緣不獨辦因緣和合力用相齊万類由生一非能建庶將來哲豈猜餘十也左慈字元放廬

江人也有神道嘗在曹公座公曰今日高會恨不得吳松江鱸魚爲膳放云可得也求銅盤貯水放以竹竿餌釣槃中須臾引一鱸出公大撫掌會者皆驚公曰一魚不周座席得兩爲佳放乃復餌釣之須臾引出皆三尺餘生鮮可愛公便日前膾之周賜座席公曰今旣得鱸恨不得蜀生姜耳放曰可得也公恐其近道買因曰吾昔使人至蜀買錦可勑人告吾使使增市二端人去須臾還得生姜又云於錦肆下見公使已勑增市二端後經歲餘公使還果增市二端錦問之云昔某月某日見人於肆下以公勑勑之增市二端錦後錄朱三十一

放入於群羊行。人知放在羊中告之曰曹公不復相殺。本成君術既驗。但欲與相見。羊中忽有一大老羝。屈前兩膝。人立而言曰。遽如許人。即云此羊是覩往欲取而群羊數百皆爲羝羊。並屈前膝。人立云遽如許。於是莫知所取焉。老子曰。吾之所以爲大患者。以吾有身也。及吾無身。吾有何患哉。若老子之儔可謂能無身矣。豈不遠哉也。舌墜山帝之女死化爲恠草。其葉築成其華。黃色其實如菟。故服恠草者恒媚於人焉。周宣王三十三年。幽王生。是歲有馬化爲狐。晉獻公二年。周惠王居于鄭。鄭人入王府。多耽化爲蜮射人。萇弘見殺蜀人。藏其血。故三年而爲碧漢靈帝時江夏黃氏之母浴。伏盤水中久而不起。變爲龜矣。婢驚走告比家人。來龜轉入深淵。其後時時出現。初浴簪一銀釵。猶在其首。於是黃氏累世不敢食龜肉。又吳寶鼎元年六月晦日丹陽宣騫。母年八十矣。亦因池浴化。

爲龜。其狀如黃氏騫兄弟四人閉戶衛之掘。堂上作大坑。寫水其龜入水中游戲。一二日間恒延頸出。亦望伺戶小開。便輪轉自躍入于深淵。遂不復還。夏鯀天子之父趙王如意。漢祖之子。而鯀爲黃能。意爲倉狗。魏襄王三年。有女子自首化爲丈夫。與妻生子。故京房易傳曰。女子化爲丈夫。茲謂陰昌賤人。爲王丈夫化爲女子。茲謂陰勝陽厥咎。士也。漢建平中豫章有男子化爲女子。嫁爲人婦。生一子長安陳鳳曰。陽變爲陰。將亡繼嗣。生一子者。將復一世。乃絕也。故使哀帝崩平帝沒而王莽墓焉。漢建安七年。越雋有男子化爲女子。周群曰。哀帝時余有此變。將有易代之事也。至二十五年獻帝封山陽公。晉元康中安豐有女子。曰周世寧。年八歲漸化爲男。至十七八而氣性成。女體化而不盡。男體成而不徹。畜妻而無子。晉惠懷之世。京洛有人一身而有男女二體。亦能兩幸。而

尤好姪天下兵亂由男女氣亂而妖形作也
當中興之間又有女子其陰在腹肚居在楊
州亦性好姪色故京房易妖曰人生子陰在
首則天下大亂若在腹則天下有事若在背
則天下無後漢景帝元年九月膠東下密
人年七十餘生角角有毛生故京房易傳曰

塚宰政厥妖人生角五行志以爲人不當生
角猶諸侯不當舉兵向京師也其後有七國
之難起漢宣帝黃龍元年未央殿輶輶廢
中雌雞化爲雄雞毛衣亦變不鳴不將無距
元帝初元中丞相府史家雌雞化爲雄雞冠
距鳴將至永光年中有獻雄雞生角者五行
志以爲王氏之應也晉太康四年會稽郡
彭蠡及蟹皆化爲鼠其衆覆野大食稻爲灾
始成有毛肉而無骨其行不能過田塍數日
之後則皆爲壯至六年南陽獲兩足虎虎者
陰精而居乎陽金獸也南陽火名也金精入
火而失其形王室亂之妖也孔子厄於陳

註
卷三十一

十三

絃歌於館中夜有一人長九尺餘著皂衣高
冠大叱聲動左右子貢進問何人耶便提子
貢而挾之子路引出與戰于庭有頃未勝孔
子察之見其甲車間時時開如掌孔子曰何
不探其甲車引而奮之子路如之沒手仆於
地乃是大鯤魚也長九尺餘孔子歎曰此物
也何爲來哉吾聞物老則群精依之因襄而
至此其來也豈以吾遇厄絕糧從者病乎夫
六畜之物及龜蛇魚鼈草木父者神皆依弗
能爲妖恠故謂之五酉五酉者五行之方皆
有其物酉者老也故物老則爲恠矣殺之則
已夫何患焉或者天之未喪斯文以是繫子
之命乎不然何爲至於斯也絃歌不輟子路
享之其味滋病者與明日遂行右十三驗
晉時豫章郡吏易拔義熙中受番還家違遁
不反郡遣追見拔言語如常亦爲施設使者
催令裝束拔因語曰汝看我面仍見眼目角
張身有黃斑色便豎一足徑出門去家先依

山爲居至麓變成三足大虎所豎之脚即成其尾此二驗出異苑晉永嘉之亂郡縣無定主強弱相暴宜陽縣有女子姓彭名娥父母昆弟十餘口爲長沙賊所攻時娥負器出汲於溪聞賊至走還正見塢壁已破不勝其哀與賊相格賊縛娥駆出溪邊將殺之溪際有大

三李林子庚

山石壁高數十丈娥仰呼曰皇天寧有神不我爲何罪而當如此因奔走向山山立開廣數丈平路如硃群賊亦逐娥入山山遂崩合泯然如初賊皆壓死山裏頭出山入娥遂隱不復出城所捨汲器化爲石形似雞土人因号曰石雞山爲城潭右此一驗出幽明錄

罪見追當有變化事後一月日便失母縣界內虎灾屢起皆云母烏斑虎百姓患之發人格擊之殺數人後人射虎白鷹井戰刺中其腹然不能即得經數日後虎還其家故牀上不能復人形伏床上而死其兒號泣如葬其母法朝冥哭臨之右此一驗出齊諧記

其音塞也因

晉義熙四年東陽郡太末縣吳道宗小失父單與母居未有婦兒宗賚不在家隣人聞其屋中砰磕之聲關不見其母但有烏斑虎在其屋中鄉里驚怛恐虎入其家食其母便鳴譖會人共往救之圍宅突進不見有虎但見其母語如平常不解其意見還母語之曰當

飲河河涸不足北飲大澤未至道死棄其狀化爲鄧林此二驗出山海經博物志曰松脂淪入地千年化爲茯苓茯苓千年化爲琥珀琥珀一名江珠今太山有茯苓而無琥珀益州永昌出琥珀而無茯苓或復云燒蜂巢所作未詳此二說孰是神農本草經云取鷄卵殼黃

白渾雜者熟煮及尚軟隨意刻作物以苦酒
漬數宿既堅內著粉中佳者亂真此出所恒周無作不成
韓詩外傳曰孔子曰老薩爲雀老蒲爲葦搜
神記曰土蜂名曰蝶蠶今世謂蝴蝶細腰之
類其爲物雄而無雌不交不產常桑蟲之子
育之則皆化成己子也

秦周訪少時與商古

人泝江俱行夕止宮亭廟下同侶相語誰能
入廟中宿訪性膽果決因上廟宿竟夕宴然
晨起廟中見有白頭老公訪逐擒之化爲雄
鴨訪捉還船欲烹之因而飛去後竟無他右此一驗出
述異記秦時南方有落民其頭能飛其種
人部有祭祀號曰蟲落故因取名焉吳時將
軍朱桓得一婢每夜卧後頭輒飛去或從狗
竇或從天窓中出入以耳爲翼將曉復還數
數如此傍人恠之夜中照視唯有身無頭其
體微冷氣息裁屬乃蒙之以被至曉頭還礙
被不得安兩三度墮地噫咤甚愁而其體氣
急狀若將死乃去被頭復起傳頸有頃平和

桓以爲巨恠畏不敢畜乃放遣之既而詳之
乃知大恠也時南征大將亦往往得之又嘗
有覆以銅盤者頭不得進遂死昔者高陽
氏有同產而爲夫婦帝放之於崆峒之野相
抱而死神鳥以不死草覆之七年男女同體
而生二頭四足手是爲蒙雙氏右二驗出神記搜

魏時尋陽縣北山中蠻人有術能使人化作
虎毛色介身悉如真虎餘鄉人周昧有一奴
使入山伐薪奴有婦及妹亦與俱行既至山
奴語二人云汝且上高樹視我所爲如其言
既而入草須臾一大黃斑虎從草出奮迅吼
金未井十三十五喚甚爲可畏二人大慄良久還草中少時復
還爲人語二人歸家慎勿道後遂向等輩說
之周尋復知乃以淳酒飲之令熟醉使人解
其衣服及身體事事詳視了無異唯於鬢髮
中得一紙畫作大虎虎邊有符周密取錄之
奴既醒喚問之見事已露遂具說本末云先
嘗於蠻中告羅有一蠻師云有此術以三尺

布一升米精一赤雄雞一升酒受得此法也
 魏時有清河宋士宗母以黃初中夏天於浴室裏浴遣家中子女盡出戶獨在室中良久家人不解其意於壁穿中闌不見入木盆水中有一大鼈遂開戶大小悉入子不與人相承嘗先著銀釵猶在頭上相與守之啼泣無可柰何意欲求去求不可留視之積日轉解自捉出戶外其去駛逐之不及遂便入水復數日忽還巡行宅舍如平生了無所言而去時人謂士宗應行喪治服士宗以母形雖變而生理尚存竟不治喪與江夏黃母相似二
驗出續梁時開善寺京師兆父韋英宅也英搜神記

早卒其妻梁氏不治喪而嫁更納河內向子集為夫雖云改嫁仍居英宅英聞梁嫁白日來歸乘馬將數人至於庭前呼曰阿梁卿忘我耶子集驚恠張弓射之應箭而倒即變爲桃人所騎之馬亦化成茅馬從者數人盡爲蒲人梁氏惶懼遂捨爲寺見洛陽寺記傳

眼夢篇第二十六 此有五部

述意部 不善部 三性部 無記部 善性部

述意部第一 原是一心積爲三界癡流慢惰昏滯沉沒欲計其際難測其本所以遠自無始至於今身生死輪轉塵劫莫之比明闇遞來薪火不能辭逝水非駛器月難保且夫盛衰之道與時交構睡夢之途因心而動動由內識境由外熏緣熏好醜夢通三性若宿有善惡則夢有吉凶此爲有記若習無善惡沉觀平事此爲無記若晝緣青黃夢想還同此爲想夢若見升沉水火交侵此爲病夢雖

朱林三十三

十六

夢通三性然有報無報欲知斯事如下經說三性部第二 如善見律云夢有四種一大不和夢二先見夢三天人夢四想夢云何四大不和夢答眠時夢見山崩或飛騰虛空或見虎狼師子賊逐此是四大不和夢虛而不實云何先見夢答或晝日見或白或黑或

男或女夜尅夢見是名先見夢此亦不實云
何天人夢答若善知識天人爲現善夢令人
得善若惡知識者爲現惡夢此即真實云何
想夢者答此人前身或有福德或有罪障若
福德者現善夢罪者現惡夢如菩薩母初欲
入母胎時夢見白象從忉利天下入其右脇
此是想夢也若夢禮佛誦經持戒布施種種
功德此亦想夢問夢爲善不善無記耶答亦
善不善無記若夢見禮佛聽法說法此是善
功德若夢見殺盜淫此是不善夢若夢見青
黃赤白色等此是無記夢也問曰若余者應
受果報答曰不受果報何以故以心業羸弱
故不感報是故律云除夢中不犯也

又迦延論云云何一切睡眠相應耶答曰或
睡不眠相應如未眠時身不軟心不軟身重
心重身脛脣心脛脣身憤心憤身睡心睡爲
睡所繙是謂睡不眠相應云何眠不睡相應
答曰不染汙心眠夢是謂眠不睡相應云何

卷三十一

七

睡眠相應答曰染汙心眠夢是謂睡眠相應
云何不睡不眠答曰除上余所事問眠當言
善不善無記耶答曰眠或善或不善或無記
云何爲善答曰善心眠夢云何不善答曰不
善心眠夢云何無記答曰除上余所事如夢
中施與作福持戒守齋如善心眠時所作福
當言餘福迴是名善云何眠時所作不福當
言迴耶答曰如夢中殺盜等如不善心耶餘
不福心迴是名不善云何眠時所作福不福
不當言迴答曰如眠時非福心非不福心迴
如無記心眠時所作福非福不當言迴是名
無記問夢名何等法答曰是五蓋中無明蓋
也

善性部第三 如出生菩提心經云余時世
尊告迦葉婆羅門言汝善男子有四種善夢
得於勝法何等爲四所謂於睡眠中夢見蓮
華或見傘蓋或見月輪及見佛形如是見已
應自慶幸我遇勝法余時世尊而說偈言

若有睡夢見蓮華
或復夢裏見月輪
若有夢見佛形像
衆生見者應歡喜
又雜寶藏經云昔有惡生王為行殘暴無悲
邪見如來遣迦旃延化其本國惡生王及夫
人皆得生信王大夫人号為尸婆具沙後生
太子字喬波羅時王於寢夢見八事一頭上
火然二兩蛇絞腰三細鐵網纏身四見二赤
魚吞其雙足五有四白鶴飛來向王六血泥
中行泥沒其腋七登大白山八鶴雀壓頭於
夢寤已以為不祥愁憂慘悴尋即問諸外道
婆羅門外道聞王此夢素嫌於王兼嫉尊者
迦旃延因王此夢言大不吉不懷厭之禍及
王身王聞其語信以為然益增憂惱即問之
言若禳厭時當須何物諸婆羅門言所須用
者王所珍愛我若說者王必不能時王答言
此夢甚惡但恐大禍殃及我身除我以往餘

及以夢見於傘蓋
應當獲得大利益
諸相具足莊嚴身
念當必作調御師
尸婆具沙二殺王所愛太子喬婆羅三殺輔
相大臣四殺王所有烏臣五殺王一日能行
三千里象六殺王一日能行三千里馳七殺
王良馬八殺王所敬禿頭迦旃延却後七日
若殺此八聚集其血入中而行可得消灾王
聞其言以己命重即便許可還至宮中愁憂
懊惱夫人問王何故如是王答夫人具陳說
上不祥之夢并道婆羅門禳夢所須夫人聞
已而作是言但使王身平安無患妾之賤身
豈足貴耶復白王言却後七日我歸當死聽
我往彼尊者迦旃延所六日之中受齋聽法
王言不得汝若至彼或語其實彼若知者捨
我飛去夫人殷勤王不能免即便聽往夫人
到彼尊者所禮拜問訊遂經三日尊者恠問
王之夫人未曾至此經停信宿何故今者不

同於常夫人具說王之惡夢却後七日當殺
我等用攘灾患餘命未幾故來聽法因向尊
者說王所夢尊者迦旃延言此夢甚吉當有
歡慶不足爲憂一頭上火然者寶主之國當
有天冠直十萬兩金來貢於王正爲斯夢夫
人心急七日向滿爲王所害懼其來晚問尊

釋
未禁主

十九

者言何時來到尊者答言日晡時必當來至
二兩蛇絞腰者月支國王當獻雙劍價直十
萬兩金今日當至三細鐵網纏身者大秦國
王當獻珠瓔價直十萬兩金後日陵晨當至
四赤魚吞足者師子國王當獻毗瑠璃寶跋
價直十萬兩金後日食時當至五白鶴來
者跋耆國王當獻金寶後日日中當至六血
泥中行者安息國王當獻鹿毛欽婆羅衣價
直十萬兩金後日日昳當至七登大白山者
曠野國王當獻大象後日晡時當至八鶴雀
蜃頭者王與夫人當有私密之事事至後日
自當知之夫人白王良久果如尊者所言期

限既至諸國所獻一切皆到王大歡喜尸婆
具沙夫人先有天冠著重寶主國所獻天冠
王因挾戲脫尸婆具沙夫人所著一重天冠
書金扇夫人頭上時夫人瞋恚而言若有惡
事我先當之今得天冠與彼而著尋以酪器
擲王頭上王頭盡汚王大瞋忿拔劍欲斫夫
人夫人畏王走入房中即閉房戶王不得前
王尋自悟尊者占夢云有私密事正此是耳
王及夫人尋至尊者迦旃延所具論上來信
於非法惡邪之言幾於尊者妻子大臣所愛
之物行大惡事今蒙尊者離於惡事即詣尊
者敬奉供養驅諸外道婆羅門等遠其國界
即問尊者有何因緣如此諸國各有所珍奉
獻於我尊者答言乃往過去九十一劫尔時
有佛名毗婆尸彼佛出時有一國名曰槃頭
王之太子信樂精進至彼佛所供養禮拜即
以所著天冠寶劍瓔珞大象寶車欽婆羅衣
上獻彼佛緣是福慶生生尊貴所欲珍寶不

求自至王聞是已於三寶所深生敬信作禮還宮

不善部第四

如發覺淨心經云佛告弥勒菩薩言菩薩當觀二十種睡眠諸患何等二十一樂睡眠者當有懶惰二身體沉重三膚皮不淨四皮肉鹿澁五諸大穢濁威德薄少六飲食不消七

朱卷主

丁

體生瘡胞八多有懈怠九增長癰納十智慧羸弱十一善欲疲倦十二當趣黑暗十三不行恭敬十四稟質愚癡十五多諸煩惱心向諸使十六於善法中而不生欲十七一切白法能令減少十八恒行驚怖之中十九見精進者而毀辱之二十至於大衆被他輕賤

又國王不黎先泥十夢經云佛在世時時有國王名不黎先泥夜夢十事一夢見三瓶併兩邊瓶滿氣出相交往來不入中央空瓶中二夢見馬口食尻亦食三夢見小樹生華四夢見小樹生果五夢見一人索繩人後有羊羊主食繩六夢見狐坐於金床上於金器中

食七夢見大牛還從犢子乳八夢見四牛從四面鳴來相趨欲鬪當合未合不知牛處九夢見大陂水中央濁四邊清十夢見大谿水流正赤王夢見是事已即寤大怖恐亡其國及身妻子王至明日即召公卿大臣及諸道人曉解夢者問言昨夜夢見十事寤即恐怖意中不樂誰能解夢有一婆羅門言我爲王解之恐王聞者愁憂不樂王言如卿所覩說之勿有所諱婆羅門言王夢皆惡當取所重愛夫人太子及邊親近侍人奴婢皆殺以祠天王可得無他王有卧具及著身珍寶好物皆當燒已祠天如是者王身可得無他王聞

朱卷主

七

此語轉加愁憂即入齋房思念是事王正夫人名摩尼到王所問王言何爲入齋房愁憂不樂耶我身有過於王耶王言汝無過於我我自愁耳夫人復問王言汝莫問我聞者令汝不樂夫人復言我是王半身設有善惡王應語我云何不相語耶王便爲夫人具說夜

夢十事夫人言王莫愁憂如人買金磨石好醜善惡其色自見於石上今佛近在精舍去國不遠何不往問如佛所解王當隨之王即勅郡臣嚴駕而出到佛所頭面禮佛足却坐白佛言我昨夜夢見十事具如前述所夢如是寤即恐怖恐亡我國及身妻子唯佛為解

所夢十事願聞教誠佛言王莫恐怖夢者無他乃為後世當來之事非今世惡此後世人當不畏法禁姪泆貪利嫉妬不知獸足少義無慈喜怒無慚愧佛言第一夢見三瓶併兩邊瓶滿氣出相交往來不入中央空瓶中者此後世人豪貴者自相追隨不親貧者王夢瓶併正謂是耳王莫恐怖於國於太子於夫人皆亦無他佛言第二王夢見馬口食尻亦食者此後世人作帝王及大臣稟食縣官俸祿復採萬民不知獸足王夢正是王莫恐怖佛言第三夢見小樹生華者此後世人年未滿三十而頭生白髮貪姪多欲年少

強老王夢正是王莫恐怖佛言第四王夢見小樹生果者此後世人年未滿十五行嫁抱兒而歸不知慚愧王夢正是王莫恐怖

佛言第五王夢見一人索繩人後有羊羊主食繩者此後世人夫胥出行賈作其婦於後便與他家男子交通貪其財物王夢正是王

莫恐怖佛言第六王夢見孤坐金牀上於金器中食此後世人下賤便尊貴有財產衆人敬畏公侯子孫更經貧賤處於下坐飲食在後王夢正是王莫恐怖佛言第七王夢見大牛還從小犢子乳者此後世人無有禮義母反為女作媒誘恤他家男子與女交通

雜
朱三王

共三

嫁女求財物以自供給不知慚愧王夢正是王莫恐怖佛言第八王夢見四牛從四面鳴來相趨欲鬪當合未合不知牛麁者此後世人長吏及人民皆無至誠之心更欺詐愚癡瞋恚不敬天地是故雨澤不時長吏人民請禱求雨天當四面起雲雷電有聲長吏

人民咸言當兩須臾之間雲散不墮所以者何帝王長吏人民無有忠正慈仁王夢正是王莫恐怖 佛言第九王夢見大陂水中央濁四邊清者此後世中國當擾亂治行不平人民不孝父母不敬長老邊國面當平清人民和穆孝順二親王夢正是王莫恐怖

佛言第十王夢見大谿水流正赤者此後世諸國當忿爭興軍聚衆更相攻伐當作車兵步兵騎兵共鬪相殺傷不可數死者於路血流正赤王夢正是王莫恐怖於國太子於夫人皆亦無他王聞長跪心即歡喜今受佛恩令得安隱作禮還歸重賜宮臣從今已後不

信諸異外道及婆羅門

無記部第五 如十誦律云有比丘衆中睡佛言聽水洗頭猶睡不可佛令比丘以五法用水洗他一者憐愍二者不惱他三者睡眠四者頭倚牆壁五者舒腳坐猶睡不止聽以手掌若故睡不止佛聽以槐擲若故睡不

續
卷三十一

廿三

止佛聽用禪杖者若取禪杖時應生敬心以兩手捉杖放戴頂上若坐睡不止應起看餘睡者以禪杖築築已還坐若無睡者還以禪杖著本處已坐若故睡不止佛聽用禪鎮安孔作之以繩貫孔中繩頭施紐掛耳上去額前四指著禪鎮時禪鎮墮地佛言禪鎮墮者應起庠行如鵝行法 頌曰

昏沉睡蓋 遊想妄現 親族虛聚 徒霑美醺既寤空無 妄生愛戀 雖通二姓 終成七變感應緣略引六驗 漢甘陵府丞文穎

宋陳秀遠 宋太守諸葛覆 宋馬虔伯齊沙門釋僧護 唐沙門釋智興

漢南陽文穎字叔良建安中爲甘陵府丞過界止宿夜鼓三時夢見一人跪前曰昔我先人葬我於此水來湍墓棺木溺漬水處半燥然無以自溫聞君在此故來相依屈明日暫住須臾幸之相遷高燥處鬼披衣示穎而皆沾濕穎心中愴然即寤寤已語左右左右曰

夢爲虛耳何足可恠穎乃還眠向晨復夢見謂穎曰我以窮苦告君柰何不相愍悼乎穎夢中問曰子爲是誰對曰吾本趙人今屬泣送民之神穎曰子棺今爲所在對曰近在君帳北十數步水側枯楊樹下即是吾墓也天將明不復得見君必念之穎荅曰諾忽然便寤天明可發穎曰雖云夢不足惟此何大適左右曰亦何惜須臾不驗之耶穎即起幸之十數人將導順水上果得一枯楊曰是矣掘其下未幾果得棺棺甚朽壞沒半水中穎謂左右曰向聞於人謂爲虛矣世俗所傳不可無驗爲移其棺輒而去之右一驗出搜神記

宋陳秀遠者穎川人也嘗爲湘州西曹客居臨湘縣少信奉三寶年過耳順篤業不棄宋元徽二年七月中於昏夕間閑卧未復歎念萬品死生流轉無定自惟己身將從何來一心祈念冀通感夢時夕結陰室無燈燭有頃見枕邊如螢火者固然明照流飛而去俄而

一室盡明爰至空中有如朝晝秀遠遽起坐合掌喘念頂見中宁四五丈上有一橋閣焉又欄檻朱彩立於空中秀遠了不覺升動之時而已自見平坐橋側見橋上士女往還填衢衣服粧束不異世人末有一嫗年可三十許上著青襖下服白布裳行至秀遠左邊而立有頃復有一婦人通體白衣爲偏環髻手持華香當前而立語秀遠曰汝欲覩前身即我是也以此華供養佛故故得轉身作汝迴指白嫗曰此即復是我先身也言畢而去後橋亦漸隱秀遠忽然不覺還下之時光亦尋滅也右一驗出冥祥記宋鄉鄰諸葛覆宋永嘉年爲元真太守家累悉在揚都唯將長子元崇送殯復於郡病亡元崇年始十九送喪欲還覆門生何法僧貪其資貨與伴共推元崇墮水而死因分其財余夜元崇母陳氏夢見枕邊如螢火者固然明照流飛而去俄而漂怨酷無雙連奉累載一旦長辭衡悲如恨

如何可說歎歎不能自勝又云行速疲極困
卧窓下牀上以頭枕窓母視兒眠處足知非
虛矣陳氏悲怛驚起把火照兒眠處沾濕猶
如人形於是舉家號泣便如問于時徐森之
始除交州徐道立爲長史道立即陳氏從姑
兒也具疏所夢託二徐檢之二徐道遇諸葛

七五

喪船驗其父子亡日如鬼語乃收其行兎二人即皆歿服依法殺之更差人送喪達都右
驗出寃宋馬虔伯巴西閬中人也少信佛法嘗作宣漢縣宰以元嘉十二年七月夜於縣得夢見天際有三人長二丈餘姿容嚴麗臨雲下觀諸天妓樂盈仞空中告曰汝厄在荆

東志

楚戊寅之年八月四日若處山澤其禍尅消人中齋戒亦可獲免若過此期當悟道也時俯見相識楊遲等八人並著鎧械又見道士胡遼半身土中天中天際神人皆記八人命盡年月唯語遼曰若能修立功德猶可延長也遲等皆如期終亡遼益懼奉法山居勤勵

弥至虔伯後爲梁州西曹州將蕭思話也蕭轉南蠻復命爲行參軍虔伯耳荆楚之言心甚懼然求蕭解職將適衡山蕭苦不許十五年即戊寅歲也六月末得病至八月四日危篤守命其日黃昏後忽朗然徹視遙見西面有三人形可二丈前一人衣狹垂鬚頂光圓

明後二人姿質金曜儀相端備列于空中去地數刃虔伯委悉詳視猶是前所夢者也頃之不見餘芳移時方歇同居小大皆聞香氣因而流汗病即小差虔伯所居宇界陋于時自覺處在殿堂廊壁環曜皆是珍寶於是所患悉以復右一驗出冥祥記高齊時有釋僧護守

道直心不求慧業願造丈八石像咸惟其言後於寺北谷中見一卧石可長丈八乃瘞匠營造向經一周面腹粗了而背猶著地以六具拗舉之如初不動經夜至旦忽然自翻即就營訖移置佛堂晉州陷日像汙流地周兵入齊燒諸佛寺此像獨不變色又欲倒之人

牛六十頭挽不動忽有異僧以瓦木土墼壘而圍之須臾便了失僧所在像後降夢信心者曰吾患指痛其人寤而視焉乃木傷其二指也遂即補之開皇十年有盜像幡蓋者夢丈八人入室責之賊遂慄怖悔而謝焉其像現在朱林士唐京師大莊嚴寺釋智興俗緣宋氏共

洛州人也謙約成務勵行堅明依首律師誦經持律心口相弔不輟昏曉至大業五年仲冬次當維那鳴鍾依時僧徒無擾同寺僧名三果者有兄從煬帝南幸江都中路身亡初無凶告通夢其妻曰吾行達彭城不幸病死由齋戒不持今墮地獄備經五苦辛酸叵述誰知吾苦賴以今月初日蒙禪定寺僧智興鳴鍾發響聲振地獄同受苦者一時解脫今生樂處思報其恩汝可具絹十疋早奉與之并陳吾意冀禮殷誠從眠驚寤炷夢所由與人共說初無信者尋入重夢及諸至現咸陳前說後經十日凶告奄至恰與夢同果乃奉

絹與之而興自陳無德並施大眾寺主恭禪師等合寺大德咸問興曰何緣鳴鍾乃感斯應興曰余無他術見付法藏傳云罽膩吒王受苦由鳴鍾得停及增一阿含經鳴鍾偈福敬遵此事轍力行之嚴冬登樓風切皮肉僧給羔袖用執鍾椎興自勵意露手鳴椎掌中傷破不以爲苦秉鳴鍾之始先發善願願諸賢聖同入道場同受法食然後三下將欲長打如先致敬願諸惡趣聞此鍾聲俱得離苦速得解脫如斯願行志常奉修豈惟懲誠遂能遠感衆服其言倍驗非謬以貞觀六年三月遘疾少時自知後世捨緣身資召諸師友因食陳別尋卒莊嚴春秋四十有五古二聚出
唐高僧傳

法苑珠林卷第三十二

鯤大計反化融演反蹠之石反蟹粘牙反虫猜此來反蠭

戈火丁反氐音蟻胡反擢直角反鱗古本雋反充

輅落故反軫落丁反砾盲夷反蠻釐烏紅反崆空音峒

同諸引諸反蜃鳥見據反尻苦高搘反搘徒出遲悽

反闍_音拘_反烏絞

姑蘇沈茂書

大宋國平江府崑山縣全吳鄉第六保產瀼水南居住奉
佛弟子季 禮同妻張氏 廿娘與家眷等
情自自身行年六十三歲六月建生同妻張氏六十八歲四月
建生思念夙何片善生處中華幸衣食而粗周荷
龍天而叶賛蒸遇本府碛砂寺 刊造大藏經板由是深思

佛語諦信經言投微誠於諸佛會中植福田於龍宮海藏
是以謹施淨財肆百卷鑄
零陸拾文入局雕刊

法苑珠林第三十二卷計壹卷肆千六字流傳佛教功德
報答四恩三有仍乞保祐現生之內獲大善利他報之中
嚴俱脩者 淳祐四年五月 日弟子季 禮 謹題

都勸緣檀越威忠郎趙 安國

法苑珠林卷第三十三

錄三

大唐上都西明寺沙門釋道世撰

興福篇第二十七

此有八部

述意部 興福部 生信部 校量部
修造部 賽施部 雜福部 洗僧部
述意部 第

昔秦景自西域還至始傳盡疊釋迦於是涼
臺壽陵並面其相自茲厥後形像塔廟與時
竟列泊于梁代遺光與盛但法身無像因感
故形感見有參差故形應有殊別若乃心路
蒼茫則真儀隔化情志懺惻則木石開心故
劉殷至孝誠感金庾爲之生銘丁蘭溫清竭